

清欽賜雲南法界寺講經廣陵沙門溥畹述


大佛頂首楞嚴經寶鏡疏

(冊下)

佛陀教育基金會 印贈

清 欽賜雲南法界寺講經廣陵沙門 溥畹 述

大佛頂首楞嚴經寶鏡疏
冊下



財團法人佛陀教育基金會印贈

普爲出資及禮請受持
輾轉流通者回向偈曰

願以此功德
消除宿現業
增長諸福慧
圓成勝善根
所有刀兵劫
及與饑饉等
悉皆盡滅除
人各習禮讓
讀誦受持人
輾轉流通者
現眷咸安樂
先亡獲超昇
風雨常調順
人民悉康寧
法界諸含識
同證無上道

佛曆二五四九年／西元二〇〇五年十月

楞嚴經寶鏡疏【下冊】

發行人：林國營

出版者：財團法人佛陀教育基金會

地址：100 台北市杭州南路一段五十五號十一樓

網址：<http://www.budaedu.org>

E-mail：budaedu@budaedu.org

電話：(〇二)三三九五一一一九八 傳真：(〇二)三三九一三三一五

劃撥戶名：佛陀教育基金會 劃撥帳號：〇七六九九七七

銀行名稱：台北富邦銀行東門分行（請於電匯或轉帳後告知本會用途）

帳號：五八〇二一〇一九三三一三

本會經書免費結緣之請取方式如下：

- (一) 親臨佛陀教育基金會三樓講堂
- (二) 利用傳真：(〇二)三三九六一五九五九
- (三) 發送 E-mail：domestic@budaedu.org
- (四) 寫信指名：佛陀教育基金會法寶流通股
- (五) 撥打電話：(〇二)三三九五一一一九八分機：一一、二二或三三

爲提高服務效率，請您嚴謹考量，慎選所需經書，儘量利用前面四種方式請取，若用(二)至(四)項，請詳寫經書名稱、冊數及收件人姓名、地址、電話、郵遞區號，以減少本會之處理時間；大量申請，請註明用途，儘量少用電話，以避免姓名、地址等文字上書寫之錯誤；若用電話，請長話短說，讓本會能順暢服務更多之大眾。

◎本會網站，講經音檔、文字檔、內涵豐富，請多利用

本會經書，歡迎翻印（請勿增刪），贈送流通，功德無量

行政院新聞局出版事業登記證局版臺業字第三八六九號

恭印二〇〇〇本

CH380-5431

佛尼牟迦釋師本無南

清欽賜雲南法界寺講



大佛頂首楞嚴經寶鏡疏 目錄

大佛頂首楞嚴經寶鏡疏(下冊)目錄

上冊

溥畹法師傳

大佛頂首楞嚴經寶鏡疏

卷一

卷二

卷三

卷四

卷五

下冊

卷六

卷七

卷八

卷九

卷十

卷十一

1	1	1	1	9	8	6	4	2	0	0	0
6	5	3	1	7	3	5	6	5	7	0	0
6	0	0	4	3	3	5	7	7	7	0	1
5	9	3	7								

大佛頂首楞嚴經寶鏡疏卷第六

清欽賜雲南法界寺講經廣陵沙門溥畹述

二示結解本二一明結解無二二一疑請

阿難白佛言世尊如來雖說第二義門今觀世間解結之人若不知其所結之元我信是人終不能解世尊我及會中有學聲聞亦復如是從無始際與諸無明俱滅俱生雖得如是多聞善根名爲出家猶隔日瘡惟願大慈哀愍淪溺今日身心云何是結從何名解亦令未來苦難眾生得免輪迴不落三有作是語已普及大眾五體投地雨淚翹誠佇佛如來無上開

示。

此索俱生。我法結解之元也。蓋佛前來已示六根生起之由。與夫結相結元。莫不詳析。其如當機。雖知六根是結。將謂惟屬分別我法。然猶未知俱生細惑。成結之元。又在何處。故有此請。乃問俱生我法成結之元。不知仍是六根別無他物。故躡佛語云。如來雖然前來已說第二義門。詳示根結之元。以及解結之法。歷歷分明。其柰我等惑障深厚。尙未了明。何者。方是俱生我法結解之元。今觀佛說世間設欲解結之人。必要知其所結之元。然後可

以盡解其結。設若不知所結之元。我固信彼終不能解。世尊。我等有學。亦復如是。良由從無始際。與諸我法。分別俱生。界內界外。一切無明滅時俱滅。生則俱生。由此俱生細惑。所以流浪生死。我雖得此多聞善根。不過名爲出家而已。何則。佛開示時。暫似解悟。至修習處。依舊糊塗。所謂說時似悟。對境還迷。乍迷乍悟。如隔日瘡。以分別惑除。如安日。俱生仍在。如發日也。惟願大慈哀愍。淪溺今日。現在若身若心。云何乃是俱生之結。要從何處修習。然後方名爲解耶。倘蒙垂示。不惟現前獲益。亦令

未來八苦八難一切眾生不落欲有色有無色有也。作是云翹佇者如鳥張翼而望哺也。蓋當機之疑以俱生我法爲生死結元。然且不知又在何處。豈知卽是六根更無他物者哉。

二指示二 一經家敘瑞

爾時世尊憐愍阿難及諸會中諸有學者亦爲未來一切眾生爲出世因。作將來眼以閻浮檀紫金光手摩阿難頂卽時十方普佛世界六種震動微塵如來住世界者各有寶光從其頂出。其光同時於彼世界來祇陀林灌如來頂。是諸大眾得未曾有。

此敘瑞以表法也。爾時世尊愍念現在以及未來。欲爲出世修習真因。普示將來人天眼目。故以勝金兜羅綿手摩阿難頂者。正表以頂法授之也。六種震動者。表六結將除也。諸佛流光灌如來頂者。表此頂法。乃諸佛共證。所謂十方婆伽梵。一路涅槃門也。問從前至此。四次放光。獨有此番諸佛同放。又何異乎。答初爲說呪摧邪。次由破妄顯真。後乃顯見生信。今爲修定成行。故前三次依教信解。未能破惑。今將修定。必破無明。故諸佛同放。正表結解體無二也。然此結解一章。正成行取證要緊。

之過脈耳。以因此說。方生後文耳根圓通。故現斯瑞。預表報也。

二如來正示 一諸佛共說

於是阿難及諸大眾。俱聞十方微塵如來。異口同音。告阿難言。善哉阿難。汝欲識知俱生無明。使汝輪轉生死結根。唯汝六根。更無他物。汝復欲知無上菩提。令汝速證安樂解脫。寂靜妙常。亦汝六根。更非他物。此諸佛共說者。以當機雖得六銷。尙未亡一。故於根中無始虛習。生住異滅。分齊頭數。俱生無明。不能了達。將謂除此之外。別有結元。以故諸佛異口

同音而告之曰。生死結元。唯汝六根更無他物。無上菩提亦汝六根更非他物。異口同音者。以佛佛道同。所言無異也。結根者。固而不開曰結。續而不斷曰根。謂根中六結與根俱生。故名俱生無明爲結元也。唯六根亦六根者。正顯結解根爲之本。乃罪之魁。功之首也。無上菩提能證自覺聖智也。安樂等所證常樂我淨四德也。

二本師親宣 二 一疑問

阿難雖聞如是法音。心猶未明。稽首白佛云。何令我生死輪迴。安樂妙常。同是六根。更非他物。

此申疑請問也。意謂根塵識三名十八界。迷之則爲生死結根。悟之皆爲如來藏性。信固然矣。何故十方如來。但言生死安樂。亦惟六根。而六塵六識不與何耶。

二正示 二 一長行

佛告阿難。根塵同源。縛脫無二。識性虛妄。猶如空華。阿難。由塵發知。因根有相。相見無性。同於交蘆。是故汝今知見立知。卽無明本。知見無見。斯卽涅槃。無漏眞淨。云何是中更容他物。

此佛釋明亦惟六根之所以也。故告之曰。諸佛舉

根而不言塵識者。非遺乎塵識也。蓋根塵識三。自相而觀。不無彼此。約義而論。不出見相。然皆依於自證而起。遡流窮源。惟是一體。且根之與塵。雖有內外親疏。然皆相分。乃是共本同源。故縛則同縛。脫則同脫。雖同縛脫。元無二體。故舉根而塵在其。中矣。所以不言識者。以識雖屬見。其性無源。乃根塵相對。互相引發。所謂前塵虛妄相想。猶若空華。了無實體。既非縛結之根。又非脫解之本。故舉根而識亦攝其中矣。由其六塵既無別體。六識又無別源。是故諸佛同言結解。唯是六根。良以此也。不

惟根塵識三。是爲如此。阿難。卽見相二分。亦無實體。何則。以六根由六塵而始發知見。六塵因六根而方有塵相。故相離見。無相之自性。若見離相。無見之自性。則知相見互立。俱屬依他。元無實性。如同二蘆交抱相生。單則撲地。不能獨立。由是義故。諸佛共說。生死輪迴。安樂妙常。同是六根。更無塵識。與他物者。此也。由汝現今於六根門頭。不了見聞。覺知元屬依他。體性空寂。立爲實有。見聞覺知。起徧計執。逐境攀緣。斯則六根。卽是無明結縛。輪迴生死之本。若於六根門頭。了得見聞覺知。乃依

他起當體虛無不生徧計。則見聞覺知泯然虛寂。唯一圓湛成實之性。斯則六根卽是安樂解脫寂靜妙常涅槃之本。然是六根眾生不知依他起性起徧計情。故於本無漏中幻爲有漏。本眞淨中幻成妄染。所以知見立知卽結縛生死。是結從根結也。更非他物爲之結元。知見無見卽解脫涅槃亦解從根解也。豈容他物爲之解元。是以諸佛共云無他物也。

二偈頌二 一標偈

爾時世尊欲重宣此義而說偈言。

蓋偈頌之義。略有四種。一阿耨鞞覩婆頌。無論長行短偈。但三十二字。便算四句。卽爲一偈。二名伽陀。此云諷頌。或云不頌。謂不頌長行故。或名直頌。謂直以偈說法故。三名祇夜。此云應頌。謂與長行相照應故。或云重頌。卽重頌長行。由其所說義未盡故。四蘊陀南。此云集施頌。謂以少言攝集多義。施他誦持故。然經立偈頌。又有八意。一少字攝多義故。二讚歎者多偈頌故。三爲鈍根復重說故。四爲後來者說故。五隨意樂故。六易受持故。七增明前說故。八長行未說故。今此經內。於前四中。二三